

ያኑሲ ማዶ"ም ዳኪንቴ ጳውሎስ ቴስሎንቄ ዓሶም ለሚ ዳኬ ኪኢቶ" ዓይያ ካር"

ኪሪሰቶስኮ ለሚ ሙኪያ ዛሎ" ያኑጪንቴ ያኑጪያና ዣላ ማዢንቴ ማዢንቴ ዳንዴሂሮ ቴስሎንቄ ሺኢጲያ ማኦርይዳ ዓኣ ሚታሂ ሚርጌና ዳልጌኔ፤ ጳውሎስ ቴስሎንቄ ዓሶም ያኣፔ ላምዓሳ ኪኢታ"፡- «ጎዳኮ ሙኮ ከላ" ዑከኔ» ጋዓ ማሊያ ባሾና ዔርዛጊከ፤ ጳውሎስ፡- «ኪሪሰቶስ ሙካንዳሂኮ ቤርታ <ፑርቶ ዓሂ> ጌይንታ፡ ኪሪሰቶስ ዒዲ ማካ ዓሂ ዛሎ"ና ዓጮ"ይዳ ፑርቱምና ዓይሂንተሂ ዒዲ ሚርጌ ሚርጌ ዓኣዳንዳኔ» ጌዒ ዔያቶኮ ዳቢንቴ ማሊያ ኮሻ"ኒ ማሌኔ።

ጳውሎስ፡ ኪኢቶ" ናባባ ዓሳ ሜቶና ዋኦና ዔያቶም ሚርጌቴያ ፔኦኮ ያኑሲ ጉሙርቁያና ዶዳንዳጉዲ፤ ዒዛንታ ሜሌ" ዒዛና ዋላ" ማዳ ዓሳ ማዳሂጉዲ ዔያቶኮ ናንጎር ኮይሳ ባኣዚ" ዳንቃኒ ዶዲ ማዶ" ማዳንዳጉዲ፤ ዔያጉዲ ሃሃ ኮሺ ማዶ ማዳሂ ሃሹ"ዋጉዲ ኮሺ" ዔያቶ ዘራኔ።

ማፃኣፔላ ዲማ ዲማ ዓርቁ ባኮ

- ዓይያ ካር" 1፡1-2
- ጳውሎስኮ ጋላቶ"ና ዓይሂያና 1፡3-12
- ኪሪሰቶስኮ ሙኮ ዛላ 2፡1-17
- ኪሪሰቶስ ጉሙርቃ ዓሳ ናንጎንዳ ጎይሂ ዘርና ዘር 3፡1-15
- ጋፒንሂ ሃይሴ 3፡16-18

1 ኑ ዓዳሂ ማዔ፡ ያኣዛሂና ኑ ጎዳሂ ዬሱስ ኪሪሰቶስናሮ ማዔ ቴስሎንቄ ሺኢጲያ ማኦር ዓሶም፤ ጳውሎስና ሲላሴና ዪሞቴዎሴናይዳፓ ዳኪንቴ ኪኢታ፡-

2 ያኑሲ፡ ዓዳሂና ጎዳ ዬሱስ ኪሪሰቶስናይዳፓ ኮሹም ዒንጊያና ዋዛና ዒንሂም ማዖንጎ።

ኪሪሰቶስ ሙካኣና ዋጊንታንዳ ዋጌ

3 ታ ዒሾንሃ! ታ ሚሾንሃ! ዒንሂ ዛሎ" ያኑሲ ኑ ቢያ ዋዴ ጋላታኔ፤ ሃሃ ጋላታኒያ ኑም ኮይሳያከ፤ ኑኡኒ ጋላታሂ" ዒንሂኮ

1:1 ዳኪ. ማዶ" 17፡1።

ጾኦሲ ጉሙርቂፃ ባሾና ዲጩ ዲጩ ሃሣ ዒንሢኮ ናሹማኣ ቃሲ "ንቲ ቃሲ "ንቲ ዓኣሢሮኬ።

4 ዒንሢሮ ሄሌ" ዳኪንቲፆ ማታሢና ቢያ ዒንሢ፡ ጾኦሲ ጉሙርቂፆና ደዲ ዓኣሢሮ ሃሣ ዒንሢ ጊሲ" ዳንደዒ ዓኣሢሮ ኪሪሰቶሴ ጉሙርቃ ደማ ደማ ሺኢጲፆ ማኣሮ ቤርታ ዒንሢና ኑ ሄርሺንታኔ።

5 ዬይ ዳዋሢ' ጾኦሲ ዋጊፃ ፒዜ ማዒፆኬ፤ ዬያይዳፓ ዔቂያና ዒንሢ ዬና ዛሎ"ና ማታሢ ዔካ፥ ጾኦሲ ካኣቱሞይዳ ዒንሢ ጌላያ ማዓንዳኔ።

6 ጾኦሲ ፒዜ ዋጋያ ማዔሢሮ ዒንሢ ማታሳ ዓሶ ዒ ማታሳንዳኔ።

7 ሐሢ ዒንሢ፥ ማታሢ ዔካ ዓሶም ኑኡና ዋላ" ሐውሺሢ ዒንሢም ዒ ዒንጋንዳኔ። ዬይ ማዓንዳሢ' ጎዳ ዬሱሰ ኪሪሰቶሴ ዋልቆና ዓኣ ጾኦሲ ኪኢታንቸና ዋላ" ጩሪንጫፓ ታሞ ሎሰታሢና ኬዳ" ዋደ"ናኬ፤

8 ዓማ"ና ጾኦሲ ዔሩዋዞንሢና ኑ ጎዳሢ ዬሱሴኮ ኮዦ ሃይሶም ዓይሢንቱዋዞንሢም ማቶ ዒንጋንዳኔ።

9 ዔያታ ጎዳኮ ቤርታፓ ሃሣ ዴኤፖ ቦንቸይዳፓ ኬሰኪ ናንጊና ባይሲንታይዳ ማታዳንዳኔ።

10 ዔያታ ፑርቶና ዋጊንታንዳሢ' ዒዚ ዒዛም ደማዴዞንሢና ቦንቸንታኔ፥ ሃሣ ዒዛ ጉሙርቃዞንሢ ቢያሢና ዒዚ ዲቃቲ ሄርሺንታኔ ሙካ ኬሎ"ናኬ፤ ኑ ዒንሢም ኬኤዜ ባኮ ዒንሢ ጉሙርቂ ዔኬሢሮ ዒንሢ ጉሙርቃዞንሢ ባኣካ" ማዓንዳኔ።

11 ዬያ ማሊ ማሊ ቢያ ዋዴ ኑ ዒንሢ ዛሎ" ሺኢቃ ሺኢጲፆ' ዒንሢ ዔኤሊ "ንቲ ዔኤሊ "ንቲፆም ማዓያ ጾኦሲ ዒንሢ ማሃንዳጉዲና ኮሺ ማዳኒ ዒንሢኮ ዓኣ ኮዦ ማሊፆና ጾኦሲ ጉሙርቂፆ ማደ"ና ቢያ ዒ ፔ ዋልቆና ዒንሢም ኩንሣንዳጉዲኬ።

12 ዬያጉዲ ሃሣ ኑ ጾኣዛሢና ጎዳ ዬሱሰ ኪሪሰቶሴናኮ ኮሹሞ ዒንጊፆጉዲ ኑ ጎዳሢ፥ ዬሱሰ ኪሪሰቶሴኮ ሱንፃ ዒንሢዳ ቦንቸንታንዳጉዲና ዒንሢያ ዒዛና ቦንቸንታንዳጉዲ ዬያ ኑ ሺኢቃኔ።

2

ፑርቶ ዓሢ

1 ታ ዒሺንሣ! ታ ሚሾንሣ! ኑ ጎዳሢ፥ ዬሱሰ ኪሪሰቶሴኮ ሙኪፆና ኑኡኒያ ዒዛ ባንሢ ቡካንዳሢ ዛሎ" ዒንሢ ዔራንዳጉዲ ኑ ዒንሢ ሺኢቃሢ ሃያኬ፤

1:9 ዒሲ. 2፥10። 2:1 1ቴሲ. 4፥15-17።

2 የኦሲ ማለህ ከኤዘና ማህ፡ የኦሲ ቃኦላ"ፓ ዒንህም ከኤዘና ማህ ሃሃ ኑ ገዳ"ፓ ፃኦፒንቴ ዳኪንቴ ኪኢታ ማህ፡- «ጎዳኮ ሙኮ ከላ" ሄሌ"ኔ» ጌዒ ሩኡሪና ዒንህኮ ማሊያና ሴካ ሃንጋ ጌይፖቴ፥ ዲቃቴፖቴ፤

3 የኦሲና ዓይጎ ጎይህና ዒንህ ጌሹዋጉዲ፤ ዓይጎር ጌዔቴ ቤርታዲ ጋፒንፖና ዓሳ የኦሲም ዋይዘ ዒዲ ፑርቱዋንቴ ሃሃ ፑርቶ ዓህ ፔጋዲ ደዲባኦንቴ ኪሪሰቶሴኮ ሙኪያ ዋዳ" ማዓዓኬ።

4 ዩይ ፑርቶ ዓህ፡- «የኦሲኬ» ጌዒ ዓሳ ካኦሽካ ባኮይዳፓ ቢያ ዑሃ ፔና ዴግ ዴግ ጌዲ ዩያቶ ቢያ ዒፃንዳኔ፤ ሃሃ፡- «ታኦኒ የኦሲኬ» ጌዒ የኦሲ ካኦሽኪንታ ማኦርይዳ ጫርቂ ዴዓያ ማዓንዳኔ።

5 ቤርታ ታ ዒንህና ዋላ" ዓኦና ዩያ ባኮ ከኤዜያታህ ዒንህም ጸቁዋዓዳ?

6 ዒዘም ጌህንቴ ከሎ"ና ዒ ፔጋዲ ዔርታንዳጉዲ ሃህ ዒዘ ላኦጋህ ዓይጎታቴያ ዒንህ ዔራኔ።

7 ፑርቶ ዓህ ዔርቱዋንቴ ዴማና ሃህ ማዳኔ፤ ዩይ ያዲ ማዔህ' ሃህ ዒዘ ላኦጋህ ጎይፃፓ ሺኦካንዳያ ሄላ"ንዳኦናኬ።

8 ዩካፓ ጎዳ ዩሱሴ ፔ ዑኡዘና ዒዘ ባይዘንዳህና ማዒ ሙኪያ ቦንቾና ጉቤ ዒዘ ባይዘንዳ፥ ዩይ ፑርቶ ዓህ ፔጋዲ ደዲንዳኔ።

9 ዩይ ፑርቶ ዓህ ሙካንዳህ ፃላሄ ዋልቄና ማዓዓ፥ ዒዘ የኦሲ ዋልቄና ማዳንታ ዓኪ ባኦዚ" ማላያ ሃሃ ዓኪ ማላታንታ ዲቃህ ሄርሺሳ ባኦዚ"ንታ ማሊሲ ሉኡዙሞና ማዳንዳኔ፤

10 ዩያጉዲ ሃሃ ዳቂሻንዳ ጎኑሞ ናሽኪ ዔኮ ዒዲ፥ ባይቃ ዓሶ ዲማ ዲማ ፑርታ ማዳና ዒ ጌሻንዳኔ።

11 ዩያ ዘሎ"ና ሉኡዙሞ ባኦዚ" ዔያታ ጉሙርቃያ ማዓንዳጉዲ የኦሲ ዔያቶ ዳቢንቲ ማዳ ማዳሻንዳኔ።

12 ዩይ ያዲ ማዓንዳህ' ጎኑሞ «ኑ ጉሙርቃዓ» ጌዒ ጎሜ ማዳና ዋዘዳዘንህ ቢያ ፑርታና ዋጊንታንዳጉዲኬ።

ጉሙርቂህና ደዲ ዔቂህ

13 ጎዳ ሱንፖና ኑ ዒንህ ናሽካ፥ ታ ዒሾንሃ! ታ ሚሾንሃ! ኑኡኒ ጋዓንቴ ዒንህ ዘሎ"ር የኦሲ ቢያ ዋዴ ጋላታንዳያ ኮይሳኔ፤ ኑኡኒ የኦሲ ጋላታህ' ዒንህ ዓያና ጌኤዦ ዘሎ"ና የኦሲም ዲማዴያ ማዔህርና ጎኔ ማዔህ ጉሙርቂያና ዒንህ ዳቃንዳጉዲ የኦሲ ቤርታዳዘንህ ማህ ዒንህ ደኦሪህርኬ።

2:4 ዳኦኔ. 11፥36፤ ሂዚ. 28፥2። 2:8 ዒሲ. 11፥4። 2:9 ማቴ. 24፥24።

14 ኑ ዒንሢሞ ከኤዜ ኮዦ ሃይሶ ቃኣሎ" ዛሎ"ና ያኦሲ ዒንሢ ዔኤሌ"ሢ ኑ ጎዳሢ ዬሱሰ ኪሪሰቶሴና ዎላ" ዒንሢ ሲንቺንታንዳጉዲኬ።

15 ዬያሮ ታ ዒሾንሦ! ታ ሚሾንሦ! ዶዲ ዔቁዎቲ፤ ኑኡኒ ዒንሢሞ ዳንጎና ከኤዜሢ ማዔቲያ ፃኣፒ ዒንሢሞ ኑ ከኤዜ ኪኢቶ" ዓርቁዎቲ።

16 ኑ ጎዳሢ፣ ዬሱሰ ኪሪሰቶሴ ሃሣ ኮሹሞ ዒንጊያ ዛሎ"ና ናንጊና ናንጋ ዶዲሢና ሃጊ ማዓንዳ ኮሺ ዎዛ ኑም ዒንጌያ ሃሣ ኑና ናሽኬ፣ ኑ ዓዳሢ፣ ያኣዛሢ።

17 ኮሺ ማዔ ባኣዚ" ሲያ ዒንሢ ማዳንዳጉዲና ከኤዛንዳጉዲ ዒኖ ዒንሢኮ ዶዲሾንጎ፤ ዎልቁያ ዒንሢሞ ዒንጎንጎ።

3

ጳውሎሴ ሺኢቃንዳጉዲ ከኤዜ ማሊያ

1 ዓካሪ ታ ዒሾንሦ! ታ ሚሾንሦ! ዒንሢ ኮራ ማዔሢ ጎይያ ያኦሲ ቃኣላ" ዳልጊና ከኤዚንታንዳጉዲና ሲንቺንታንዳጉዲ ኑም ሺኢቁዎቲ፤

2 ዬያጉዲ ሃሣ ቃኣሎ" ዎይዛሢ ሲያ ያኦሲ ጉሙርቁዎታሢሮ ዓይሢንቶ ዒያ ዓሶና ፑርቶ ዓሶናይዳፓ ያኦሲ ኑና ካፓንዳጉዲ ኑም ሺኢቁዎቲ።

3 ጎዳ ጋዓንቲ ጉሙርቁንታያኬ፤ ዒዚ ዒንሢ ዶዲሻንዳኔ፤ ፃላሄይዳፓኣ ዒንሢ ዒ ካፓንዳኔ።

4 ኑ ዒንሢ ዓይሣ ባኮ ሃሢ ዒንሢ ማዳያ፣ ሓጊያ ዒንሢ ማዳንዳሢ ጎዳ ሱንያና ኑ ዒንሢ ጉሙርቃ።

5 ጎዳ ዒንሢኮ ዒኖ ያኦሲ ናሹሞና ኪሪሰቶሴ ዳንዳዒያና ባንሢ ማሆንጎ።

ማዶ ማዳንዳያ ኮይሳያ ማዒያ

6 ታ ዒሾንሦ! ታ ሚሾንሦ! ማዶ ናሽኩዎያ፣ ሃሣ ኑ ዒንሢ ዔርዜ ጎይያ ናንጉዎ ኪሪሰቶሴ ጉሙርቃ ዓሶይዳፓ ዒንሢ ዶማዳንዳጉዲ ጎዳ ዬሱሰ ኪሪሰቶሴ ሱንያና ኑ ዒንሢ ዓይሣኔ።

7 ዓይጎር ጌዔቲ ዒንሢ ኑ ማዶሢጉዲ ማዳኒ ኮይሳያታሢ ዒንሢ፣ ዒንሢ ቶኦኪና ዔራኔ፤ ኑኡኒ ዒንሢና ዎላ" ዓኣ ዎዶ"ና ማዶ ማዶዎ ዶይባኣሢያ ዒንሢ ዔራኔ።

8 ሃሣ ያኦኮዎ ካሣ ጉሪ ኑ ሙዒባኣሴ፤ ጋዓንቲ ዒንሢዳፓ ያኦማኣ ኑ ሜቶ ማዑዎጉዲ ጌይ ዎንቲና ሮኦሪና ላቢ"፣ ሜታዲ ኑ ማዶኔ።

9 ይያ ኑ ማዳሚ፣ ዲንሢ ኑ ማዳሚ ዛጊ ማዳንዳጉዲ ማዳንዳጎጋቲም ዲንሢዳጎጋ ማኣዶ ኑ ዔካኒ ዳንዳዑዋያ ማዔምቱዋሴ።

10 ኑ ዲንሢና ዋላ" ዓኣ ዋዶ"ና፡- «ማዳኒ ናሽኩዋኣሢ ሙጋጋ» ጋዓ ዋጌ ኑ ዲንሢም ኬሴ"ኔ።

11 ይያ ኑ ጋዓሢ፣ ዲንሢ ባኣኩ"ይዳ ፔቴ" ፔቴ" ማዶ ናሽኩዋ ዓሲ ዓኣሢ ኑ ዋይዜሢኸኔ፤ ዬንሢ ዓሳ ኮይሱዋ ቤሲዳ ጌሊ ጌሊ ሜሌ" ዓሶ ዠሊሲሢዳጎ ዓታዛ ፔቴ"ታጋ ማዶ ማዳዋጋ ናንጋዞንሢኬ።

12 ዬናጉዴ ዓሳ ማዶ ማዶ ሙኡዚ" ሙዓንዳጉዲ ጎዳ ዬሱሰ ኪሪሰቶሴ ሱንጋና ኑ ዓይሣኔ፤ ሃሣ ላቲ"ያ ኑ ዲንሢም ኬኤዛኔ።

13 ዲንሢ ጋዓንቴ ታ ዲሾንሃ! ታ ሚሾንሃ! ኮሺ ማዔ ማዶ ማዳሢዳጎ ቤልፃዲ ላቢ"ፖቴ።

14 ሓያ ኪኢቶ"ይዳ ኑ ዲንሢም ኬኤዜ ዘሮ" ዋይዚ ዔኩዋ ዓሲ ዓኣቶ ዬያጉዴ ዓሶ ኮሺ" ዔራዋቴ፤ ዒ ፔ ማዶ"ና ቦርሲንታንዳጉዲ ዒዛና ዋላ" ፔቴ" ማዒፖቴ።

15 ማዔቴያ ዲንሢኮ ላጌ ማሂ ዘዘራንዳጎጋቲም ዲንሢኮ ሞርኬ ማሂ ዒዛ ዛጊፖቴ።

ጋፒንሢ ሃይሴ

16 ኮሹሞ ጎዳሢ፣ ዒ ቢያ ባኣዚ"ና ሃሣ ቢያ ዋዴ ኮሹሞ ዲንሢም ዲንጎንጎ፤ ጎዳ ዲንሢ ቢያሢና ዋላ" ማጋንጎ።

17 ሃንሢ ጋፒንጋ ሳራሢጋንሢ ታኣኒ፣ ጳውሎሴ ታ ኩቻ ፃኣፔኔ፤ ታ ዳኬ ኪኢቶ"ይዳ ቢያ ዓኣ ማላታ" ሃያኬ፤ ታ ፃኣፔሢያ ሂዲኬ።

18 ኑ ጎዳሢ፣ ዬሱሰ ኪሪሰቶሴኮ ኮሹሞ ዲንጊፃ ዲንሢ ቢያሢና ዋላ" ማጋንጎ።

Maale New Testament
The New Testament in the Maale language of Ethiopia
copyright © 2007 Bible Society of Ethiopia

Language: (Male)

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1